



Završna faza istrage o aferi „Bosnalijek“

# Spremna optužnica protiv Arslanagića

Tužilaštvo KS ima čvrste dokaze protiv Edina i Amara Arslanagića, koje tereti za milionski kriminal • Koja je uloga Hasana Šepe • Šta istražuju

Tužilaštvo Kantona Sarajevo radi punom parom na završetku istrage o kriminalu u aferi „Bosnalijek“, u kojem su glavnoosumnjичeni otac i sin Edin i Amar Arslanagić, bivši rukovodioci ove državne kompanije, potvrđeno nam je iz ove pravosudne institucije.

Iz pouzdanih izvora bliskih istrazi Tužilaštva KS saznajemo da će ova pravosudna institucija na osnovu prikupljenih dokaza te saslušanih svjedoka vrlo brzo podići optužnicu protiv Arslanagića za višemilionski kriminal, zloupotrebu službenog položaja te utaju poreza.

## Deseci svjedoka

Osim Arslanagića, koji se od 29. maja nalaze u pritvoru, optužnica će, najvjerojatnije, obuhvatiti i uhapšene Šefika Handžića, bivšeg direktora za finansije, te Hasana Šepu, vlasnika firme „Brštanica“, putem koje su godinama sklapani, kako se smatra, štetni ugovori za „Bosnalijek“.

Istraga se već polako privodi kraju. I SIPA i Tužilaštvo KS saslušali su veći broj svjedoka, koji potvrđuju osnovu sumnje na organizovani kriminal. Op-



**Edin Arslanagić: Već dva mjeseca u pritvoru**

tužnica je gotova stvar. Vrlo brzo će biti podignuta, vjerovatno već narednog mjeseca - rečeno nam je iz izvora bliskih istrazi.

Inače, Tužilaštvo KS grupu s Edinom Arslanagićem na čelu tereti da je iz „Bosnalijeka“ od 2002. do 2012. godine izvukla više od 17 miliona maraka. Osim ugovora s „Brštanicom“, koja je nabavljala skoro svu robu za „Bosnalijek“, a naplaćivala je po peterostruko višoj cijeni, te preko koje su išli poslovi u vezi s naknadama za topli obrok, u fokusu istrage su i konsultant-



**Amar Arslanagić: Trošio pare na provod**

ske usluge koje je potpisivao Amar Arslanagić, ali i poslovi izgradnje apartmanskog naselja na Bje-

lašnici, gdje je utrošeno oko šest miliona KM.

## Utvrđena šteta

Vještaci finansijske struke utvrdili su prošle godine da je 13,7 miliona KM utvrđena šteta za državni kapital u „Bosnalijeku“, a na osnovu sklopljenih ugovora. Istražuju se i računi uhapšenih u inozemstvu, gdje Arslanagići imaju višemilionsku imovinu u SAD te skupocjene nekretnine u Evropi.

Inače, Vrhovni sud Federacije BiH jučer je odbio žalbe advokata Arslanagića, Šepe i Handžića, čime oni ostaju u pritvoru.

**M. AŠČIĆ**

## Brojke

- **1,2 miliona KM** Amar Arslanagić potrošio na provod
- **6 miliona KM** plaćeno apartmansko naselje na Bjelašnici
- **9 osoba** ukupno osumnjičeno za kriminal u firmi
- **13,7 miliona KM** utvrđena šteta za državni kapital
- **6 miliona KM** imovina porodice Arslanagić